

# عنف ومحبة

شعر

مدحت منير



## مهرجان القراءة للجميع ٢٠٠٤

مكتبة الأسرة

برعاية السيدة سوزان مبارك

( سلسلة إبداع الشباب )

إشراف : د. سهير المصادفة

### الجهات المشاركة :

جمعية الرعاية المتكاملة المركزية

وزارة الثقافة

وزارة الإعلام

وزارة التربية والتعليم

وزارة التنمية المحلية

وزارة الشباب

التنفيذ : هيئة الكتاب

عنف ومحبة - مدحت منير

الغلاف والإشراف الفني :

للضنان ، محمود الهندي

الإخراج الفني والتنفيذ :

صبرى عبدالواحد

الإشراف الطباعي :

محمود عبدالمجيد

المشرف العام :

د . سمير سرحان

عنف ومحبة  
شعر



## السيدة التى جعلت من الكتاب وطنًا !

د. سمير سرحان

مرت عشر سنوات منذ إنشاء «مكتبة الأسرة»، وأذكر أنه كان يومًا مشهودًا، حين جلسنا مع عدد من المثقفين والوزراء والمفكرين حول تلك السيدة العظيمة التى كانت عيناها تشخص إلى السماء حيث أحلام كثيرة تدور بذهنها الذى لا يتوقف عن التفكير أبدًا.

كانت منذ سنوات قد أنهت رسالتها من الماجستير، التى كان من نتائجها ضرورة إصلاح أحوال المدارس الابتدائية، ورفع مستواها العلمى والتعليمى، وحتى مستوى الأبنية والخدمات.. فكان الأساس فى ذهنها، كما أدركت بعد ذلك معظم الدول الكبرى أن العملية التعليمية هى أهم ما يميز الأوطان، وأن الطفل الذى يمثل البذرة الأولى فى بناء مستقبل أى وطن هو البداية الحقيقية، كنا نتعجب جميعًا فى صمت ونحن جالسون حول تلك المائدة الصغيرة.. لماذا لم يفكر أحد من قبل فى الطفل، ولا أعنى صحته فقط، أو ما قد يصيبه من أمراض، أو مستوياته الاقتصادية

•

والاجتماعية.. لماذا لم يفكر أحد فى الطفل الإنسان؟ أى فى عقل  
الطفل ووجدانه، والانطباعات المختلفة، التى يكتسبها من عملية  
التعلم، وبخاصة من القراءة الحرة، وليس قراءة الكتب المدرسية  
فقط.

وكان الطفل المصرى فى ذلك الوقت معتاداً أن يمسك بالكتاب  
المدرسى ويصب عليه كل ما فى طاقته من كره وسخط، ويحفظه  
حفظاً آلياً بلا فهم، ويُفَرِّغ هذا الفهم على الورق لينجح وينتقل من  
سنة دراسية إلى أخرى، أما فى آخر السنة فكانت العادة أن يرمى  
الكتاب المدرسى من النافذة، كأنه قد تخلص من عبء ثَقِيل.

كانت السيدة العظيمة، التى قُدِّرَ لها أن تعنى بمستقبل مصر،  
وأن تكرس حياتها لبناء هذا المستقبل، تفكر فى الطفل كإنسان،  
وكعقل، وكروح.. لقد اكتشفت أن كل ذلك لا يأتى إلا بالقراءة،  
والقراءة خارج المقرر الدراسى، كما لا يأتى أيضاً إلا من خلال  
كتاب يوضع فى يده ليحبه شكلاً ومضموناً، ويحتضنه فى سريريه  
وهو نائم، ويطلق من خلال المادة التى يقرأها فيه، العنان لخياله،  
فيسافر من خلال هذا الكتاب إلى عالم سحرى من الأماكن  
والأفكار والمشاعر والرؤى.

لمعت العينان الذكيتان بعمق الفكرة، وأهميتها لوطن يبنى نفسه  
ويضع نفسه على مشارف القرن الحادى والعشرين، وبعد أربع  
سنوات من افتتاح المكتبات العامة فى الأحياء الفقيرة والمُعدّمة،

كانت الفكرة الرائدة قد اكتملت فى ذهنها فأصبحت سوزان مبارك صاحبة أعظم مشروع ثقافى فى القرن العشرين وأوائل الحادى والعشرين.. «مكتبة الأسرة».

وكانت فكرة مكتبة الأسرة بسيطة وعميقة فى نفس الوقت، وهى أن نقوم بغرس عادة القراءة فى نفوس ملايين أبناء الشعب الذين لم يكن الكتاب من قبل جزءاً من حياتهم.. وأعتقد أن هذا الهدف قد نجح تماماً، فقد كان بعض من يسخرون من الشعب المصرى، محاولين الحط من قدره يصفونه بأنه شعب **الفول والطعمية**، وأعتقد أنه الآن وبعد عشر سنوات من صدور مكتبة الأسرة، أصبحوا يسمونه بلا تردد شعب الكتاب والقراءة والعلم والمعرفة.. لكن الهدف الأعمق والأسمى كان إعادة بعث التراث الأدبى والفكرى والعلمى والإبداعى الحديث لهذه الأمة، وهذا يؤكد بالفعل لا بالكلام ريادتها وقيادتها الثقافية والفكرية فى عالمنا العربى، كما يؤكد عظمة ما جاء به عصر التنوير المصرى لينقل العالم العربى كله من عصور الظلام المملوكية والاستعمارية إلى شعوب تعيش عصر العلم والتقدم، وتبنى شخصيتها الثقافية وحضورها الثقافى على مدى العالم..

وها قد أصبحت مكتبة الأسرة بعد عشر سنوات من الجهد المضنى والمتواصل تقدم أكثر من عشرة ملايين كتاب موجودة الآن فى كل بيت مصرى، تحمل صورة السيدة التى فكرت ونفذت هذه

الذخيرة من الفكر والإبداع التى تثرى عقل ووجدان كل مواطن  
طفلاً كان أم شاباً، ليس فى مصر فقط، وإنما فى العالم العربى  
كله.. وأصبحت المادة التى تضمها هذه الكتب هى أساس راسخ  
لتكوين مواطن المستقبل، وأصبحت معظم الدول العربية والمؤسسات  
الدولية تطلب تطبيق التجربة المصرية على أرضها.

هل كان مجرد حلم لسيدة عظيمة شخّصت بنظرها إلى  
السماء باحثة عن المستحيل، أم كان مجرد حلم رائع، هائل القيمة  
والحجم وتحقق.. تحية لهذه السيدة العظيمة «سوزان مبارك»،  
واحتراماً وحباً بلا حدود على قدرتها لتخيل المستقبل، وبناء إنسان  
جديد لوطن جديد.

وستظل صورة السيدة سوزان مبارك موجودة على كل كتاب،  
وفى كل بيت تُذكر كل مصرى أن الحلم الحقيقى ليس بالمال، وليس  
بالتهاافت على الماديات، إنما هو «المعرفة» وبدون معرفة فى هذا  
العصر لا يوجد وطن، وإذا فقد الإنسان الوطن فقد ذاته.. بل فقد  
كل شيء يربطه بهذه الحياة.

**د. سمير سرحان**



# عنف ومحبة

مباحث منير



كتبت قصائد هذا الديوان في الفترة  
من ١٩٩٧ - ٢٠٠١



## إهداء

إلى  
روح أمي  
أليس عبد القلوس  
زوجتي  
أليس تادرس  
صغيراتي  
ماري وسارة

ملاحات



## فٲ المصوراتى





## فلاش

عروسه...

ف المصوراتى

ماكتليش حبيبه بجد

تشبهالها

علشان

أعيط عليها

ومانيش

من المعازيم

إزاي

اشم وردتها البلاستيك

وارقص.. وسطهم

طب اعمل ايه

دلوقتي..

وكل الحرام ده

مستخبى

تحت القماش

وانا لوحدى

متحزم

وساكت..

للفلاش

## تصويره

ابتسم..

من فضلك

أنت دلوقتى

تقدر تمسك

أى لحظه

من اللحظات اللى بتجرى بسرعة

فى موجة الحر الشديده

علشان تحاول بعدين

تلفها بمعرفتك

بس أنا مستغرب

ع الديانه اللى واقفه على ذراعك  
لأنها ها تدخل..  
عالم الخلود  
مجانا

مع انها مش قاصده  
تكسب  
لقطه على حسابك  
ولا كان ف حسابها  
تفوز..  
بذكري ما عاشتهاش  
عاشان تخدع  
بيها عيالها

ماتأخذش ف باللك  
كل اللى مطلوب منك  
دلوقتي

تحط ايدك ف جييك  
وتطلع تمن كيلو فاكهه

وتبتسم  
وانت بتشتري لحظه  
ف ورقه كارتون  
بالألوان الطبيعية  
عمرها تقريبا  
أطول..  
من عمرك



## الأبيض واسود

«ليا ليهم  
كانت أكثر ألفه  
ونهارهم..  
أكثر واقعيه

أغانيهم  
قمر.. سهران  
يجفر ف الحيطه  
ولض كهريا حلمانه  
على الأسفلت

مفاريهم/ أشجارهم/ أحلامهم  
بيناموا قصاد العتبه  
زى الاخوات»  
بالظبط..  
ده شكل الصوره  
بالرغم من الخلفيه اللى ما تخلّاش  
من حزن  
ف الغالب سببه  
أنهم..  
كانوا  
عارفين  
كل اللى ها يصبحوا عليه دلوقتى  
من شيخوخه  
..والوان



# بلیاتشوقال

مع محبتی.. لصالح جاہین



## حرص

النصبه..  
مش ها تقع ولا حاجه  
لو انك مثلاً  
تكسل.. تمشى على الحبل  
أو تبطل..  
أكل ازاز

بس انت خايف  
تدوس عليك  
الخيول المتدريه  
أو يقدموك  
للنمور الاليفه..  
ف الفاصل الموسيقى

## خوف

فاضل

.. حرکه واحده بس

وتتمشی

.... ما تخافش

بس انت اعمل نفسك خايف

وان شاء الله

ربنا ها يضحكهم..

## صراجه

...ماحدثش واخذ باله  
من الحفره اللى ف جلدك

...حتى انت كمان  
صدق  
أن المساحيق..  
ريانى

واكثر واحد فيهم  
غايظك  
اللى عيط عليك..  
وسط التسئيف الجامد



الشكوى لله





هالف الهوى لفتين بالعصايا  
وادقها ف الرمل  
يمكن تصحى الورد

هارفع رجلى اليمين قدام  
وانط بالشمال ف العالى  
يمكن

يولف طير  
هازق قلبى العجوز بالراحه  
كإنه النهر  
زاحف ع الحصى بالطمى  
واسيبه..

يعوى بكرامه  
على طبل  
شبه الجوع  
يمكن..  
يخف الوجع



ألعاب..  
عادية



## کده..وکده

إهداء إلى مجدى الجابرى

هاعمل باخر دم  
واعملى...بتعطى

كأن مطره  
واحنا مبلولين

وشجره  
بتوطى على الشباك..  
وتبص

هاعمل مش مهتم

واعملی بتحضنینی  
کأن نسمة  
مش بتتشطر..  
غير على الخصلة الحرير

هاعمل باطير  
والناس  
من آخر الدنيا...  
يشوفونى سحابه

يخرّب عقلك  
دى دموع  
بجد

## وماحدث بيحرم

.. القطه

اللى لقت الخيط على سهوه

.. اعتبرت

أنه بتاعها

وكان ضايع منها

مع أنها كانت عارفه

أنها هاتقابل صاحبه

ومش هاتقدر تداريه

أول مايشوفها

جائز

! كانت قاصده تلاعبه..

وتلعب..

أطول وقت

بس اظاهر

كان اقصر

من رقبتها

واطول...

م الصبر.



## يارب..تسامحنى

..ما عنديش وقت

اكون عنيف وياها

ولا حتى حنين

..مش هاقدر

اخلى جسمها

ينشف عرقى

مش هاقدر اعيط

ع اللى سقط

من شعرها

ضروري  
افضل ماسك دراعها  
طول الليل  
لحد ما يرجع.. لجسمها

واكتب  
على بطنها بالراحه  
يارب تصحى الصبح  
زى أول يوم  
لاقيتها فيه

ويارب  
عنيها الخضره  
تسامحنى

وترجع تانى  
تغمض / وتفتح  
كل ما هزها .

بتنام مع واحد شكلى



.. علشان كده فكرت اقتلها

أو يمكن..

علشان كده

حببتها..

كل الاحتمالات الواردة

بتهش

ف ايديا..

لدرجة

وأنا باخنفها

اتسريت

من بين صوابي

.. للعالم

قالت

ليه يا حبيبي

بيبقى شكلك

وحش جدا

وانت

بتألم

خروج...  
عن النص





هو ده الوقت المناسب..

اللى لازم

اخذ فيه السكينه من ايدك

قبل ما تدخل..

ف قلبك

آى نعم

هايكون خروج عن النص

لكن..

من الأفضل

نستنى شويه

على الأقل..

الحاجات الصغيره

الى عماله تقع على سهوه

تاخذ..

حقها من الصمت

والناس..

تاخذ حقها من الفرجه

والحب

ياخذ

نصيبه

من الخساره

صادقینى



ما عرفش ليه  
لما باشوف واحد  
(من ضحايا الحرب..)  
اللى دخلتها

وطلعت منها  
مش خسران  
بافتكر  
كل الحاجات  
اللى لازم اعمالها  
ولسه

ماعملتهاش  
وامشى بسرعه  
أمشى..  
وكأنى مكنتش واخد بالى  
إنى آخر مهزوم..  
ف الحرب  
اللى لسه  
مادخلتهاش

## الحرب الى لسه..

واحد لوحده

هايطلع من حفرة..

يشاور/

وف ايده مدفع

أول مانهتف له

هايضرب

ف الفراغ

والفراغ

محاوذك

ما فيش قدامك

غير بحر

بيشبهه فاطمه..

فاطمه

أنا مخلصك..

عشان ما بتصدقنيش

وانا بالكذب..»



## فرصه سعيده

كل واحد فيهم

اتقتل جنبه

واحد شبهه

متأكد

أن ماكنش ف الدنيا

حد غيره

بالأوصاف دي

ويعنيكى الحلوين دول..

ممکن تشوفى

واحد منهم

خسران نصه

والنص التانى  
واقف لوحده..  
يقول:  
الحمد لله / جات سليمه

صدقينى  
زى ما بقولك  
هم دول.. صوابى  
اللى كلمتك عنهم..  
زمان

## هايكون..أفضل

جربى  
تعتز فى لنفسك  
(مره واحده بس)  
اننا بنسقط  
م البرج

يمكن ساعتها  
تبطلى تبصى بهدوء  
وتبتسمى

وتبطلى  
تأجلى  
كل سقوطك  
للأرض.



روميوجولييت



ألبسى جيبه بكرانيش  
وبلوزه خفيفه  
تليق ألوانها..  
بنهايتنا/

اعملى نفسك رسمايه  
واستنى/  
ف حوض الورد/

قولى لهم  
يختاروا

يدونا شفائهم  
من غير  
خوف/  
وامسكى بالجامد فيا  
بالجامد/  
علشان  
لو وقع الفنجان  
واتكسر/ ميت حته  
نفضل دايما  
أنا  
وانتى  
ف نفس الحته



هجره



كانت

شايله الزينه

ونازله على السلم

بتبص على النجمه المرميه

قصاد البيت

البرد

قصاد الكشك المقفول

بيخلق

ف هدومها

والشجره بتتعود

على منظر عالى  
حطت  
جنب القلب المسحور وردتها  
وشاورت  
للتاكسى الفاضى

دلوقتى..  
بعد ماكلهم اختفوا م المنظر...  
أنت قصادمين....؟

یت



## كل الناس كده

أمى  
اللى ف السما  
مع الملايكه ....  
ماعادتش بتعرف شكلى

ولا أنا كمان دلوقتى  
اقدر ..  
اميز شكلها الجديد  
جايز  
أكون باشوفها كتير  
من غير ماخد بالى

لأنى تقريبا  
طول الوقت..  
بادور عليها..  
ف جسمى



## واحدہ منہم

آن الأوان اعرف

مین فہم امی

ومین مراتی..؟

قلت لواحدہ منہم

انتی لیہ

دلقتی ازازہ الشوییس

اللی کان علیہا شویۃ براندی؟

ولیه انتی

کسرت کبر الإزاز

وسيتى الشظايا ف سلام  
أخذوا حاجتهم  
وسابولى البيت

كانت  
كل الدكاكين تقريبا مقفوله/  
وكلاب/  
واقفه تشمشم حوالها/  
بتبص لى.. وتزوم/

خفت  
جريت احصلهم  
لقيت  
واحدة منهم  
اختفت

## من غير هدوم

ما عرفش ايه اللى خالانى

استسهل

واوصل

لحد هنا

من غير هدوم

ومع انك

ما كنتيش عريانه

ما لفتش نظرك

اتكلمتى بنفس الجديه.

واستأذنتيني  
وسبتيني لوحدي

جريت عليكى  
أقولك  
«انا باصرخ من اليتيم..»

ما بصتيش  
وقولتى

«كل الناس..  
.. كده»

**عاشان كده بتغيب فى الصيف**



البلوفر الزيتي

اللى مستتيك

ع الشماعه

بيحبك وحده

حتى

وهو بيغطس ف الفسالة

بيخبى الورده التريكو

بكمامه

ويودع نفسك

حتى  
وهو على الحبل  
بيقلد صمتك  
قدام الجاره  
ويتهزف سره

هو لوحده  
اللى بيرسم شكلك  
ويلاعب دورك بالظبط  
(ف الشغل  
وع القهوه  
وجنب مراتك)

هو لوحده  
البلوفر الزيتى



فراغ



شراعه باب الشقه  
اخذه مساحه كبيره

وما فيش مكان  
للعين السحرية

من سنين فانت  
كان عليها ايدين كتير  
لناس  
سابوها ومشيو  
أول مانكسر الازاز

خببتهم  
ف مكان بعيد  
وحطيت مكانهم  
نتيجة قديمه  
عليها حد  
بيحذف حمام من السما  
ومسمار  
كان شائل الأيام لوحده

دلوقتي  
سايب  
فراغ  
ينفع  
عين سحريه

مالوش لزوم



أنا مش مستغرب

أيه يعني

شجرة مدهونه..

قصاد شباك

ونور مميل

من سنين

هايفرق أيه

إذا كان له مثيل

أو مالوش

مادام الناس شايفاه

وما بتعبرش..

ايه يعنى  
قمر..  
على حبل غسيل  
بيعدى سور المدرسه الثانوى  
ها يعمل ايه  
غير أنه يعنى..  
(أغنية حزينه...)  
جنب المحطه  
.. ويرجع

بالنسبه لى  
الدنيا معروف حدودها  
السكه الحديد/ الترعه/  
اربع أحياء قديمه  
واربعه تانيين  
طلعوا على الرمل  
ودخلوا الكردون



أنا .. مطمئن  
لأنى باعتبار نفسى  
من الناس  
اللى ليهم مكان ف الحياه  
حتى لو كان  
يافضه محل قديم  
أو ابن مخالف ف الطبع  
اوليله  
ماتتسيش  
من عشرين سنه

مطمئن  
مدام فيه متر مربع  
باسم العيله  
مايباعدش كثير  
.. عن بيتنا



«إذا ماتوا....  
انتبهوا»



## حرية الاختيار

إلى الاسماعيليه

كل البيوت اللى كانت هنا

سابت مسافه..

سموها

«حرية الاختيار»

الدبابات والبحر

كانوا عارفين الحقيقه

لما خرجنا عليهم بالمناديل

ساعتها بس

كان الرمل

شايل الشجر

ويبزحف ف اتجاهنا

والسلك  
بيجرى بالعصافير

ساعتها بس  
كشك الشاى  
اللى ف ضهر «مديره الاسكان»  
بص على الراجل  
اللى كان بيسقى الجنينه

ورغرغ  
بالدموع

## ماحدث غيرى

اظهار  
انهم بطلوا عنف ومحبه  
حتى ماحدث حد فيهم  
بيضرب  
علشان حد تانى  
يقف لحظه يقول  
«لا حول ولا قوة إلا بالله»  
ومع إن الشارع مليون  
وانا لوحدى  
الى طالع المطلع

ماحدث لاحظ غيرى

«الراجل

الى كان بيزق الست

على الكرسي امبارح

بدل.. وياها المنظر»

كان الألوان

الى بتزل ع الجلد بسرعه

وتدوب ف الزحمه

بتزغلل

أكثر م الكرياج

والمطلع

ماينتهيش



## وجايز.. مش أنا

جايز اكون

ماشى ف مدينه

خطفها الجن

هفت.. على القلب لحظه

جايز

أكون خفت

وهربت على الرصيف الثانى

من وش كنت اعرفه

استلف م العمر شئ

وماردهوش

جایز

اکون

قوت حاجة لبيع

ماهتمش

جایز

~~بیست~~ ~~یکو~~ ~

بیقع علی الاسفلت شئ

وماهتمش

صعود

إلى ماري منير

عنف ومجبة



شاوړ  
بالمندیل ع الآخر  
لبلادها

یمكن  
هاتضیع ف السما معالمها  
كل ما ينزل بینا الوقت  
وینزف  
سجادهها علینا ..  
أسمنت

سييوها تسلّم ع الصنفصاف

بنفسها الأخرانى

قبل ما تحنى دماغها

لسياف مش واضح

ف أبريل المزمّن

زى بنات الدرس

ف (شارع وادى حلفا)

لما تبص على المغرب

ف المطره

«رؤيه»





قالت

أنا أم لست غابات

وخديك..

يبكوا عليك

ف البر التانى

كانت

طوابير الناس

ما بتتحركش قصاد الريح

والقطر..

بيتحرك أبطأ م العمر

تقريباً

وقعت منها على السلم حاجه

تقريباً

قد الشلن الفضه

ظهرت..

ليلة الجمعة.. بعيد

وكانت

حواليها عساكر خرزان

بتلف بعكس الروح..

تقريباً

ليه...؟

إلى محمد عيسى القيرى



لا رعشه خفيفه  
تسلى العكاز  
وتكب القهوه على المفرش

ولا ورده قطيفه  
تبص بطرف عنيا  
من الفستان

راجل  
مسكين زى..  
بيجمع ليه اطرافه

ويحطها ف الباطو...٩

مادام

ماعدوش وهم..

يدافع عنه..

راجل

كل الفقرا اللي ف جسمه

اتوفوا ف صمت

دلوقتي

يتسول ليه

راجل

مش ها يضرب

بياع متجول ع الناصيه

ولا ها يتسبب ف فضيحه

مع الشغاله ف بير السلم

ينزل ليه  
م الدور الخامس  
زى الدمعه؟

ويسقط  
وسط الشارع

ناحيه حاجه بتلمع  
اكتر  
م النجمه





## الفهرس

إهداء .....	٥
فى المصوراتى .....	٧
فلاش .....	٩
تصويره .....	١١
الأبيض والأسود .....	١٥
بلياتشو قال مع محبتى لصلاح جاهين .....	١٧
حمص .....	١٩
خوف .....	٢٠
صراحه .....	٢١
الشكوى لله .....	٢٣

٢٧	ألعاب.. عادية ..
٢٩	كده.. وكده إهداء إلى مجدى الجابرى ..
٣١	وماحدث بيحرم ..
٣٣	يارب.. تسامحنى ..
٣٥	بتنام مع واحد شكلى ..
٣٩	خروج.... عن النص ..
٤٣	صدقينى ..
٤٧	الحرب اللي لسه ..
٥١	ها يكون.. أفضل ..
٥٣	روميرو وجولييت ..
٥٧	هجره ..
٦١	يتم ..
٦٣	كل الناس كده ..
٦٥	واحد منهم ..
٦٧	من غير هدم ..
٦٩	علشان كده يتغيب فى الصيف ..
٧٣	فراغ ..

٧٧	مالوش لزوم .....
٨٣	واذا ماتوا... انتبهوا! .....
٨٩	وجايز... مش أنا .....
٩١	صعود إلى ماري منير، .....
٩٥	رؤية .....
٩٩	ليه...؟ إلى محمد عيسى القبرى .....

رقم الإيداع ١٥٠٦٥ / ٢٠٠٤

الترقيم الدولي 8 - 9236 - 01 - 977 I.S.B.N.